



## CONCELLO DE FOZ (LUGO)

### ACTA DA SESIÓN EXTRAORDINARIA E URGENTE CELEBRADA POLO CONCELLO PLENO EN DATA 7 DE FEBREIRO DE 2014

#### ASISTENTES:

#### PRESIDENTE

D. JAVIER JORGE CASTIÑEIRA

#### CONCELLEIROS/AS

D. PEDRO J. FERNÁNDEZ MANIN (PP)  
Dª MERCEDES JOSEFINA GONZÁLEZ ALONSO (PP)  
Dª. Mª TERESA LÓPEZ REGO (PP)  
D JOSÉ ÁNGEL PALEO SOTO (PP)  
Dª ROSA MARÍA PÉREZ GRADAILLE (PS deG-PSOE)  
Dª ANA ISABEL VILLARINO ALONSO (PSdeG-PSOE)  
D ENRIQUE COTARELO GARCÍA (PSdeG-PSOE)  
D RAMÓN SIXTO LEGASPI (PSdeG-PSOE)  
D XAIME CANCIO RODRÍGUEZ (UNIFOZ)  
Dª ANA MARÍA LÓPEZ CAMPOAMOR (UNIFOZ)  
Dª Mª ANGELES VEIGA VARELA (UNIFOZ)  
D. XAN CARLOS GONZÁLEZ BASANTA (MIXTO-BNG)

#### INTERVENTORA

Dª. PAULA CAMPOS RODRÍGUEZ

#### SECRETARIA

Dª. ANA BARREIRO GÓMEZ

No salón de xuntas do concello de Foz, sendo as vinte e unha horas do día sete de febreiro de dous mil catorce, reúnese, en sesión extraordinaria e urgente, e primeira convocatoria, o concello pleno, baixo a presidencia do señor alcalde presidente don Javier Jorge Castiñeira, coa asistencia dos señores/as concelleiros/as relacionados ao marxe. Asiste a interventora, habilitada estatal, Paula Campos Rodríguez e actúa de secretaria, a habilitada estatal, Ana Barreiro Gómez.-

\*\*\*\*\*

Comprobado que asiste quórum suficiente para a válida celebración da sesión (os trece concelleiros/as que de dereito compoñen a corporación), o señor alcalde declara aberto o acto e, seguidamente, éntrase no despacho do asunto incorporado á orde do día, cursado xuntamente coa convocatoria, producíndose o desenvolvemento da sesión e adopción de acordos, nos termos seguintes:-

**PUNTO ÚNICO.- APROBACIÓN DA ENCOMENDA DE XESTIÓN DE ACORDO CO ESTABLECIDO NA PROPOSTA DE ALCALDIA.-** Polo señor Alcalde explícase que a urxencia vén motivada porque é necesaria a aprobación da encomenda de xestión para solicitar a subvención prevista na Orde de 23 de decembro de 2013 da Consellería de

Traballo e Benestar, pola que se establecen as bases reguladoras das axudas e subvencións para os talleres de emprego dentro dos programas mixtos de emprego e formación da Comunidade Autónoma de Galicia e se proceda á súa convocatoria para o ano 2014, e o prazo de presentación remata o día 10 de febreiro de 2014.

O Concello Pleno acorda, por unanimidade dos trece membros asistentes, ratificarse a favor da urxencia do asunto incluído na Orde do Día da convocatoria, e pasase a dar lectura da Proposta de Alcaldía de data 7 de febreiro de 2014, que no seu literal indica:

**“ PROPOSTA ACORDO ”**

*Vista a Orde do 23 de decembro de 2013 da Consellería de Traballo e Benestar pola que se establecen as bases reguladoras das axudas e subvencións para os talleres de emprego dentro dos programas mixtos de emprego e formación da Comunidade Autónoma de Galicia e se procede á súa convocatoria para o ano 2014.*

*Vista a vontade dos Concellos de Foz, Alfoz, Valadouro e Mondoñedo de constituir unha agrupación de Concellos para solicitar á Consellería de Traballo e Benestar o Obradoiro de Emprego denominado “Pardo de Cela”, encomendando a xestión do mesmo como entidade promotora ó Concello de Foz.*

*Considerando a necesidade de aprobar un convenio para encomendar a xestión do obradoiro de emprego ó Concello de Foz dacordo co establecido no artigo 16.1.a) e e) da Orde de 23 de decembro de 2013 anteriormente mencionada.*

*Visto o proxecto do Obradoiro “PARDO DE CELA”, integrado polos Concellos de Alfoz, Foz, Mondoñedo e O Valadouro.*

*Visto o artigo 15 da Ley 30/1992, do 26 de novembro, de réxime xurídico das Administracións públicas e do procedemento administrativo común que establece que -a realización de actividades de carácter material, técnico ou de servizos da competencia dos órganos administrativos ou das entidades de dereito público poderá ser encomendada a outros órganos ou entidades da mesma ou distinta Administración, por razóns de eficacia ou cando non se posúan os medios técnicos idóneos para o seu desempeño; 2.- A encomenda de xestión non supón cesión de titularidade da competencia nin dos elementos substantivos do seu exercicio, sendo responsabilidade do órgano ou entidade encomendante ditar cantos actos ou resolucións de carácter xurídico den soporte ou nos que se integre a concreta actividade material obxecto de encomenda.3.- A encomenda de xestión entre órganos administrativos ou entidades de dereito público pertencentes á mesma Administración deberá formalizarse nos termos que estableza a súa normativa propia e, no seu defecto, por acordo expreso dos órganos ou entidades intervintes. En todo caso o instrumento de formación da encomenda de xestión e a súa resolución deberá ser publicado, para a súa eficacia, no Diario Oficial correspondente. Cada Administración poderá regular os requisitos necesarios para a validez de tales acordos que incluírán, alomenos, expresa mención da actividade ou actividades ás que afecten, o prazo de vixencia e a natureza e alcance da xestión encomendada.4.- Cando a encomenda de xestión se realice entre órganos e entidades de distintas Administracións formalizaráse mediante sinatura do correspondente convenio entre elas, agás no suposto da xestión ordinaria dos servizos das Comunidades Autónomas polas Deputacións provinciais ou no seu caso Cabildos ou Consellos insulares, que se rexerá pola lexislación de réxime local.5.- O*



## **CONCELLO DE FOZ (LUGO)**

*réxime xurídico da encomenda de xestión non será de aplicación cando a realización das actividades enumeradas no apartado primeiro recaiga sobre persoas físicas e xurídicas suxeitas a dereito privado, axustándose entón, no que proceda, á lexislación correspondente de contratos do Estado, sen que poidan encomendarse a persoas ou entidades desta natureza actividades que, segundo a lexislación vixente, teñan que realizarse con suxeición ao dereito administrativo.*

*Esta Alcaldía eleva ao Pleno Corporativo a seguinte proposta de **ACORDO** previo ditame da Comisión Informativa de Asuntos Pleno:*

**PRIMEIRO.-***Constituír ó abeiro da Orde de 23 de decembro de 2013 da Consellería de Traballo e Benestar pola que se establecen as bases reguladoras das axudas e subvencións para os talleres de emprego dentro dos programas mixtos de emprego e formación da Comunidade Autónoma de Galicia e se procede á súa convocatoria para o ano 2014 unha agrupación dos Concellos de Foz, Alfoz, O Valadouro e Mondoñedo ós efectos de solicitar unha subvención para o Obradoiro de Emprego denominado “PARDO DE CELA”.*

**SEGUNDO.-***Aceptar a encomenda de xestión da solicitude e do obradoiro ó Concello de Foz como entidade promotora.*

**TERCEIRO.-***Aprobar:*

**1º-***O Proxecto do obradoiro “PARDO DE CELA”, integrado polos concellos de Alfoz, Foz, Mondoñedo e O Valadouro, que se adxunta a esta proposta.*

**2º-***Así como as actuacións incluídas no Proxecto do obradoiro “PARDO DE CELA”, para o Concello do Foz, son as seguintes:*

**A) “RESTAURACION AMBIENTAL DA CONCA DOS RIOS OURO E DE MOUCIDE E ACONDICIONAMENTO DE PARQUES E XARDINS NO CONCELLO DE FOZ ”:**

*Na canle principal do Río Ouro, actuarase dende o límite superior do coto de O Valadouro, na ponte de frexulfe ata a presa Fontao, na parroquia de Santa Cilla, de onde sae o canal de captación de auga para a estación depuradora de Foz, pasando polo coto de pesca sen morte de Alfoz, o tramo libre e o coto de Foz. Lonxitude total 10,9 Qm.*

*Actuarase nos afluentes, Rego das Pontellas, Bao, Ferreira e Rego de Val dos Infernos. Lonxitude total 3,6 Qm.*

*No río de Moucide a lonxitude total sobre a que se pretende actuar é dende O Campón, en Moucide (O Valadouro) ata a desembocadura en Cangas (Foz), nunha lonxitude total de 8,9 Qm.*

*A lonxitude total dos cauces sobre os que se pretende intervir é de 41,6 Qm. Estimando unha actuación de 5 metros (ribeira e zona de servidume) a cada lado dos mesmos, a superficie sobre a que se vai actuar sería de 416.000 m<sup>2</sup>.*

*Nos parques e xardíns faranse labores de poda, sega, abonado e plantación de arbustos e plantas anuais e vivaces, en zonas verdes e áreas recreativas dos distintos concellos, de acordo co seguinte detalle:*

En Foz, as labores de mantemento centraranse en Campo da Cabana, Zona Rapadoira, Parque Conce de Fontao, Uxío Novo Neira, o Castro e podas en vías municipais.

**B) “MANTEMENTO E CONSERVACIÓN DE LOCAIS MUNICIPAIS, MOBILIARIO URBANO E SINALIZACIÓN HORIZONTAL”:**

En Foz, as obras serán de reparación e/ou reposición de elementos danados no mobiliario de todos os parques de propiedade municipal; limpeza e reparación de desconchados en pinturas e barnices e a aplicación de man de acabado. Tamén se repararán as proteccións metálicas e de madeira con lixado de óxidos, imprimación e esmaltado en proteccións de fundición, forxa ou aceiro e con aplicación de laxures ou esmaltes sobre madeira. Limparanse e repintaranse todas as marcas viais danadas existentes nas vías de propiedade municipal con pintura acrílica en base acuosa.

**CUARTO.-** Aprobar a proposta de convenio de colaboración marco para a encomenda de xestión do obradoiro de emprego “Pardo de Cela” integrado polos Concellos de Foz, Alfoz, O Valadouro e Mondoñedo ó Concello de Foz, que a continuación se transcribe:

**PROPOSTA DE CONVENIO DE COLABORACIÓN MARCO PARA A ENCOMENDA DE XESTIÓN DO OBRADOIRO DE EMPREGO “PARDO DE CELA DOS CONCELLOS DE FOZ, VALADOURO, ALFOZ E MONDOÑEDO” AO CONCELLO DE FOZ.**

No Concello de Foz, a.....de....., de 2013.

**REUNIDOS:**

Os Sr.es. Alcaldes/ás dous seguintes Concellos:

CONCELLO DE FOZ, -----

CONCELLO DE ALFOZ -----

CONCELLO DE O VALADOURO -----

CONCELLO DE MONDOÑEDO -----

Todos en nome e representación do seu referido Concello, en virtude do artigo 21 da Lei 7/1985, do 2 de abril reguladora das bases de réxime local (LRBRL) e o artigo 61 da Lei 5/1997, do 22 de xullo, reguladora da administración Local de Galicia (LALGA).

Os reunidos actúan no exercicio dos seus cargos e, na representación que ostentan, recoñécense capacidade para obrigarse nos termos do presente convenio de colaboración e para o efecto:

**EXPOÑEN:**

**Primeiro.-** O artigo 15 da Lei 30/1992, de 26 de novembro, de Réxime Xurídico das Administracións Públicas e do Procedemento Administrativo Común, establece a posibilidade da realización de actividades de carácter material, técnico ou de servizos da competencia dun Concello por encomenda a



## **CONCELLO DE FOZ (LUGO)**

*outros concellos cando existan razóns de eficacia o cando non se posúan os medios técnicos idóneos para o seu desempeño.*

**Segundo.-** *O artigo 15.4 da Lei 30/1992, regula a necesidade de formalizar a encomenda de xestión entre os distintos Concellos mediante a sinatura do correspondente convenio.*

**Terceiro.-** *Con data 10 de xaneiro de 2014 publicouse no Diario Oficial de Galicia número 6 a Orde de 23 de decembro de 2013 da Consellería de Traballo e Benestar pola que se establecen as bases reguladoras das axudas e subvencións para os talleres de emprego dentro dos programas mixtos de emprego e formación da Comunidade Autónoma de Galicia e se procede á súa convocatoria para o ano 2014. Tendo en conta a realidade sociodemográfica dos Concellos de Foz, Alfoz, O Valadouro e Mondoñedo as catro Administracións aprecian a necesidade de realizar un obradoiro de emprego conxunto que abrangue o respectivos ámbitos territoriais dadas as evidentes necesidades de mellorar a formación e a ocupabilidade das persoas desempregadas da zona mediante a realización de obras de interese social que activen o desenvolvemento territorial. Estes programas, ademais de formar a persoas de idades iguais ou superiores aos 18 anos, desempregados, nas especialidades formativas que se imparten permítéselles adquirir experiencia profesional e acadar formación en varias materias.*

*A estas importantes finalidades, engádese a recuperación de espazos públicos, a execución de obras para todos os cidadáns.*

**Cuarto.-** *A Constitución recolle no artigo 103 que a Administración debe actuar de acordo, entre outros, cos principios de eficacia e coordinación. Nesa liña, o actual escenario de crise económica que afecta tamén aos concellos obriga a impulsar medidas relativas á xestión eficaz e eficiente dos recursos dispoñibles, co obxecto de poder continuar prestando ou prestar os servizos aos cidadáns e cidadás en condicións de calidade que satisfagan ás súas necesidades, sendo preciso minimizar custos, delegando a xestión no Concello de Foz.*

**Quinto.-** *Tanto a LRBRL, como a LALGA e a Lei 30/1992, do 26 de novembro, de Réxime Xurídico das Administracións Públicas e do Procedemento Administrativo Común, recollen ao longo do seu articulado o **principio xeral de colaboración interadministrativa**.*

**Sexto.-** *Por todo o anterior, os concellos asinantes ACORDAN FORMALIZAR UN CONVENIO PARA ENCOMENDAR A XESTIÓN DO OBRADOIRO DE EMPREGO DENOMINADO “PARDO DE CELA DOS CONCELLOS DE FOZ, ALFOZ, O VALADOURO E MONDOÑEDO” AO CONCELLO DE FOZ e segundo as seguintes **CLÁUSULAS:***

**Primeira.- Obxecto**

*O obxecto do presente convenio é fixar ás principais liñas de colaboración, así como a coordinación, dirección, xestión, financiamento, organización e funcionamento do obradoiro de emprego obxecto de encomenda ao Concello de Foz, e nos termos da Orde de 23 de decembro de 2013 da Consellería de Traballo e Benestar.*

**Segunda.- Ámbito Territorial**

*O ámbito territorial do obradoiro de emprego será o correspondente aos termos municipais de Foz, Alfoz, O Valadouro e Mondoñedo.*

**Terceira.- Xestión do obradoiro**

O Concello de Foz será o responsable técnico e administrativo da xestión do obradoiro de emprego, de conformidade co establecido na Orde do 23 de decembro de 2013 da Consellería de Traballo e Benestar, representando aos catro Concellos en todas as relacións coa Xunta de Galicia.

A tal efecto, o Concello de Foz procederá a realizar a solicitude de subvención ante a Consellería de Traballo e Benestar da Xunta de Galicia, correspondéndolle a súa xestión integral. Neste sentido, os Concellos de Alfoz, O Valadouro e Mondoñedo delegarán no Concello de Foz as súas facultades para a tramitación administrativa do expediente en nome dos catro Concellos ante a Consellería de Traballo e Benestar.

**Cuarta.- Prácticas formativas: obras concretas a realizar nos tres Concellos**

Os alumnos e alumnas recibirán formación profesional para o emprego, segundo o plan formativo incluído na memoria do obradoiro de emprego, alternándoa coa práctica profesional.

Os catro Concellos aprobarán as actuacións concretas a realizar no seu Concello e o proxecto de obradoiro conxunto. Asemade, certificarán a dispoñibilidade dos bens nos que se desenvolverán as actuacións. **As prácticas a realizar consistirán na realización das seguintes obras e servizos:**

**A) “RESTAURACION AMBIENTAL DA CONCA DOS RIOS OURO E DE MOUCIDE E ACONDICIONAMENTO DE PARQUES E XARDINS NOS CONCELLOS DE ALFOZ, FOZ, MONDOÑEDO E O VALADOURO”:**

Na canle principal do Río Ouro, actuarase dende o límite superior do coto de O Valadouro, na ponte de frexulfe ata a presa Fontao, na parroquia de Santa Cilla, de onde sae o canal de captación de auga para a estación depuradora de Foz, pasando polo coto de pesca sen morte de Alfoz, o tramo libre e o coto de Foz. Lonxitude total 10,9 Qm.

Actuarase nos afluentes, Rego das Pontellas, Bao, Ferreira e Rego de Val dos Infernos. Lonxitude total 3,6 Qm.

No río de Moucide a lonxitude total sobre a que se pretende actuar é dende O Campón, en Moucide (O Valadouro) ata a desembocadura en Cangas (Foz), nunha lonxitude total de 8,9 Qm.

A lonxitude total dos cauces sobre os que se pretende intervir é de 41,6 Qm. Estimando unha actuación de 5 metros (ribeira e zona de servidume) a cada lado dos mesmos, a superficie sobre a que se vai actuar sería de 416.000 m<sup>2</sup>.

Nos parques e xardíns faranse labores de poda, sega, abonado e plantación de arbustos e plantas anuais e vivaces, en zonas verdes e áreas recreativas dos distintos concellos, de acordo co seguinte detalle:

En Alfoz, realizaranse labores de poda e mantemento no Parque Alcalde José Palmeiro en nas Áreas Recreativas de A Pontenova, na parroquia de San Pedro de Mor, Entorno Fortaleza de Pardo de Cela, en O Castro, e San Antonio, en Carballido.

En Foz, as labores de mantemento centraranse en Campo da Cabana, Zona Rapadoira, Parque Conce de Fontao, Uxío Novo Neira, o Castro e podas en vías municipais.



## **CONCELLO DE FOZ (LUGO)**

*En Mondoñedo, na Alameda realizaranse podas e reposición de árbores: no Campo dos Paxariños (Recinto Feira as San lucas) realizaranse podas; na Avda. de Buenos Aires e Praza do Concello realizaranse labores de poda e plantación de plantas de temporada.*

*En O Valadouro realizaranse podas e labores de mantemento no Parque de Feira Nova, no Parque de Concepción Arenal e no entorno da Piscina Municipal.*

### **B) “MANTEMENTO E CONSERVACIÓN DE LOCAIS MUNICIPAIS, MOBILIARIO URBANO E SINALIZACIÓN HORIZONTAL”:**

*En Alfoz actuacións de reposición de pezas do mobiliario danadas e traballos de limpeza e pintura das aludidas pezas nos parques e áreas recreativas municipais e limpeza de óxido, imprimación e pintura de farolas nos mesmos parques, así como aplicarase unha man de laxur á barandilla do paseo peatonal Vilaúde-Reirado.*

*En Foz, as obras serán de reparación e/ou reposición de elementos danados no mobiliario de todos os parques de propiedade municipal; limpeza e reparación de desconchados en pinturas e barnices e a aplicación de man de acabado. Tamén se repararán as proteccións metálicas e de madeira con lixado de óxidos, imprimación e esmaltado en proteccións de fundición, forxa ou aceiro e con aplicación de laxures ou esmaltes sobre madeira. Limparanse e repintaranse todas as marcas viais danadas existentes nas vías de propiedade municipal con pintura acrílica en base acuosa.*

*En Mondoñedo, na Casa da Xuventude, repararanse as filtracións dunha cuberta invertida existente na súa parte posterior, as filtracións a través da unión da galería da fachada principal co muro de fachada, o canalón e a baixante da fachada posterior, os pavimentos de madeira danados polas filtracións e pintaranse con pintura ó silicato interiormente todo o inmovible. Restaurarase o Templete da Alameda; para isto reporase a cuberta de cinc, limparase a pedra con chorro de auga a presión, restaurarase o falso teito de madeira con reposición de pezas rotas e/ou danadas, decapado e aplicación de dúas mans de laxur. Así mesmo colocarase un pavimento de cuarcita da zona, para o que será necesario o picado do pavimento de mortero existente na actualidade.*

*Restauraranse os bancos e farolas da alameda con retirada e tratamento de desconchados, reparación de pezas danadas ou rotas e pintura posterior.*

*En O Valadouro, no edificio que alberga o Centro Socio Cultural, Xuvenil e da terceira Idade, pintaranse con pintura plástica para exteriores a fachada posterior e no interior aplicarase unha man de pintura plástica antimoho para interiores en todos os paramentos verticais, previa reparación de fendas e fisuras.*

*No local dos baixos das vivendas sociais (previsto Centro Social) executaranse solados e alicatados, colocarase falsos teitos modulares de escaiola e pintaranse as paredes interiores con pintura plástica para interiores.*

*As actuacións no mobiliario dos parques de Feira Nova, Concepción Arenal e Paseo Fluvial son as mesmas que nos dos outros concellos participantes no proxecto.*

**Quinta.- Selección do alumnado-traballador**

*Un grupo de traballo mixto, formado por representantes da Consellería de Traballo e Benestar e do Concello de Foz, determinará o perfil das persoas candidatas, os baremos e probas que poidan aplicase. A selección irá precedida da tramitación de oferta de emprego ou actividade pola correspondente oficina de emprego, debendo ésta observar, como requisitos mínimos que deben cumprir as persoas candidatas preseleccionadas os establecidos no artigo 11 da Orde do 23 de decembro de 2013, da Consellería de Traballo e Benestar.*

*As persoas seleccionadas como alumnado traballador serán contratadas polo Concello de Foz, dende a súa incorporación ao proxecto. Os contratos de traballo formalizaráanse por escrito no modelo oficial correspondente, debendo facerse constar a súa pertenza ao programa de obradoiros de emprego, a denominación do proxecto para o que se formaliza e, se é o caso, o número da oferta de emprego utilizada. Serán rexistrados na oficina de emprego, indicando a súa pertenza ao programa de obradoiros de emprego, a denominación do proxecto para o que se formaliza e no seu caso o número da oferta de emprego utilizada.*

**Sexta.- Selección do persoal directivo, docente e administrativo de apoio**

*Na selección do persoal directivo, docente e administrativo de apoio, un grupo de traballo mixto establecerá o procedemento selectivo, podendo utilizar oferta de emprego tramitada pola oficina de emprego, convocatoria pública ou ámbalas dúas.*

*Asemade, corresponderálle a este grupo de traballo mixto determinar o perfil, as características, e os requisitos que van a cumprir as persoas candidatas, elaborar as convocatorias, establecer os baremos e, se é o caso, as probas que poidan aplicarse.*

*A selección definitiva deberáse realizar entre as persoas preseleccionadas pola oficina de emprego e as solicitudes presentadas á convocatoria pública, se é o caso, debendo considerar, na medida do posible, tres candidatos/as por posto. Terán preferencia as persoas que, en igualdade de condicións, de cumprimento do perfil requirido, se atopan en situación de desemprego.*

*O Concello de Foz contratará ao persoal directivo, docente e administrativo de apoio que fose seleccionado e figure como tal nas actas do grupo de traballo mixto.*

*Os contratos de traballo formalizaráanse por escrito no modelo oficial correspondente, debendo facerse constar a súa pertenza ao programa de obradoiros de emprego, a denominación do proxecto para o que se formaliza e, se é o caso, o número da oferta de emprego utilizada. Serán rexistrados na oficina de emprego, indicando a súa pertenza ao programa de obradoiros de emprego, a denominación do proxecto para o que se formaliza e no seu caso o número da oferta de emprego utilizada.*

**Sétima.- Comisión de seguemento**

*Para o seguemento e control do cumprimento do presente convenio constituiráse una comisión integrada por un representante de cada unha das Administracións asinantes, os cales serán nomeados polos seus respectivos Alcaldes-presidentes. As súas principais funcións serán:*

- O seguemento da xestión do obradoiro.*
- A resolución de calquera incidencia que poida xurdir.*
- A interpretación do convenio.*
- A proposta, no seu caso, de addendas.*





## **CONCELLO DE FOZ (LUGO)**

*-Intervención previa á resolución do convenio por incumprimento.*

*-Calquera outra relacionada coa xestión do obradoiro.*

### **Oitava.- Aspectos económicos e financiamento**

*Cada Concello sufragará con fondos propios a parte non subvencionada pola Consellería de Traballo e Benestar das obras realizadas no seu territorio, transferindo ó Concello de Foz os fondos necesarios ó efecto.*

### **Novena.- Vixencia do Convenio**

*A vixencia do presente convenio estará condicionada, en todo caso, á efectiva concesión da subvención para os obradoiros de emprego, dentro dos programas mixtos de emprego e formación da CCAA de Galicia para o ano 2014 ao abeiro da Orde de 23 de decembro de 2013 da Consellería de Traballo e Benestar, así como á existencia de informe favorable da Comunidade Autónoma para o exercicio desta competencia impropia, de acordo co establecido na Lei 27/2013, de 27 de decembro, de Racionalización e Sostenibilidade da Administración Local. O convenio estará vixente durante a totalidade da duración do obradoiro de emprego., e non admitirá prórrogas. O presente convenio entrará en vigor aos vinte días seguintes da súa publicación no Boletín Oficial correspondente .*

### **Décima - Natureza do Convenio**

*O presente convenio ten natureza administrativa e as discrepancias que xurdan pola súa aplicación serán resoltas pola comisión de seguimento quedando as partes suxeitas á xurisdición contencioso-administrativa para a resolución de calquera conflito que puidese xurdir na súa aplicación.*

### **Undécima.- Normativa aplicable**

*En todo o non previsto expresamente polo presente convenio estarase ao disposto na lexislación aplicable segundo a materia obxecto do convenio.*

### **Duodécima- Xurisdición competente**

*Os conflitos que se susciten en desenvolvemento do presente convenio serán coñecidos, en primeira instancia, pola Comisión Mixta , en caso de non chegar a un acordo, ás partes someterán ás cuestións litixiosas ao coñecemento dous tribunais do orde xurisdicional contencioso-administrativo.*

*En proba de conformidade co expresado neste convenio, asínase polas partes comparecentes, por triplicado exemplar e para un só efecto, non lugar e data que se sinalan non encabezamento.-*

**QUINTO.-** *Habilitar o crédito necesario no Orzamentos de gastos prorrogado para o exercicio de 2014 e comprométese a habilitar crédito, no seu caso, nos orzamentos do ano 2015 para sufragar a parte das obras realizadas no Concello e contempladas no proxecto non subvencionadas pola Consellería de Traballo e Benestar.*

**SEXTO.-** *Facultar ao Alcalde-presidente do Concello de Foz para a sinatura do correspondente convenio e cantos documentos sexan necesarios na súa execución e asemade, para que leve a cabo todas as actuacións que se precisen para a efectividade deste acordo.*

**SETIMO.-** *Unha vez conste no expediente a aprobación do convenio por parte dos Concellos interesados, que se publique o acordo co texto do convenio no Boletín Oficial da Provincia de conformidade co artigo 8.2 da Lei 30/1992, do 26 de novembro, de réxime xurídico das Administracións públicas e do procedemento administrativo común.*

**OITAVO.-** *Declarar que existe dispoñibilidade para a execución das actuacións dos terreos, espazos e inmobles os que afectan, e que se solicitarán as autorizacións sectoriais pertinentes.*

**NOVENO.-** *Solicitar informe favorable da Comunidade Autónoma para poder levar a cabo a actuación obxecto do convenio e da subvención o amparo do artigo 7 da Lei 7/85”.-*

O señor ALCALDE solicita que se inclúa:

-Que por parte da Intervención se emita o informe sobre a sostenibilidade financeira e estabilidade orzamentaria para levar a cabo a actuación da Proposta de Alcaldía de Convenio para encomendar a xestión do Obradorio de Emprego denominado “**PARDO DE CELA DOS CONCELLOS DE FOZ, ALFOZ, O VALADOURO E MONDOÑEDO**” ao Concello de Foz, a que se refire o artigo 7.4º da lei 7/85, de 2 de abril.

-En caso de non cumprir dito requisito de sostenibilidade financeira e estabilidade orzamentaria para a solicitude de informes, a Xunta de Galicia é o órgano que ten a tutela financeira o amparo do artigo 7.4º citado, que se proceda a tramitar o disposto no Informe de Intervención de data de 7 de febreiro de 2014, o amparo dos artigos 27 e 7.4º da Lei 7/85, de 2 de Abril, que non se puido tramitar polo curto espazo de tempo para solicitar a subvención.

-Esta proposta de Alcaldía estivo a disposición de Intervención nun expediente relacionado co 214 o 212 a través do Xestiona dende o momento da convocatoria.

A Portavoz do PSG-PSOE manifesta que están de acordo coa actuación, porque é positiva, pero non que se faga con estas presas, cun proxecto incompleto e sen cumprir os trámites legais pertinentes, cando saíu publicado no mes de xaneiro a convocatoria, sen os informes técnicos e sen estar completa a documentación.

Eles non van a fecer o mesmo co Alcalde co Plan de Emprego da Deputación.

O señor ALCALDE responde que nun principio ía ir só Foz e despois decidiuse ir cos demais Concellos por iso se retrasou a elaboración do proxecto, e se se quere obter a un Obradoiro é a única forma posible de facelo.

O Portavoz de UNIFOZ manifesta que non van a entrar nesas formalidades pero si nas actuacións previstas para Foz, o normal sería convocar unha Xunta de Portavoces para dilucidar o tipo de actuacións que se teñen que levar a cabo en Foz .

Aparecen actuacións en bens que afectan a Augas de Galicia, ademais nun pobo que carece de medidas de seguridade, sería necesario este tipo de actuacións, tamén votan en falta as actuacións en edificios públicos, só se fai referencia a materiais. Polo que co tipo de obras do Plan non están de acordo.



## **CONCELLO DE FOZ (LUGO)**

Que as Bases de selección do persoal docente e candidatos sexan transparentes.

O Portavoz do BLOQUE-MIXTO considera que é moi precipitado traer isto a Pleno, e tamén é insuficiente o tempo para levar a cabo as actuacións, votase en falta que se pidan propostas respecto as actuacións a realizar, como pode ser o pintado do salón de actos do Concello. Hai unha obsesión co tema dos xardíns, o tema de sinalización e moi xeral, a roza dos ríos deberíase ampliar polo que non ven moita actividade do Obradoiro en xeral. A actividade do Obradoiro tense que ver nos bens municipais.

O señor ALCALDE di que é necesario maioría absoluta.

Debatido suficientemente, o señor alcalde somete a transcrita proposición de alcaldía a votación ordinaria e, por unanimidade dos trece señores/as concelleiros/as asistentes, queda proclamado o seguinte **A C O R D O**:

**PRESTAR APROBACIÓN AO CONTIDO DA PROPOSICIÓN DE ALCALDÍA REFLECTIDO ANTERIORMENTE, EN TODOS OS SEUS EXTREMOS E NOS SEUS PROPIOS TERMOS, NA QUE SE INCLUIRÁ:**

**-QUE POR PARTE DA INTERVENCIÓN SE EMITA O INFORME SOBRE A SOSTENIBILIDADE FINANCIERA E ESTABILIDADE ORZAMENTARIA PARA LEVAR A CABO A ACTUACIÓN DA PROPOSTA DE ALCALDÍA DE CONVENIO PARA ENCOMENDAR A XESTIÓN DO OBRADORIO DE EMPREGO DENOMINADO “PARDO DE CELA DOS CONCELLOS DE FOZ, ALFOZ, O VALADOURO E MONDOÑEDO” AO CONCELLO DE FOZ A QUE SE REFIRE O ARTIGO 7.4º DA LEI 7/85, DE 2 DE ABRIL.**

**-EN CASO DE NON CUMPRIR DITO REQUISITO DE SOSTENIBILIDADE FINANCIERA E ESTABILIDADE ORZAMENTARIA PARA A SOLICITUDE DE INFORMES A XUNTA DE GALICIA É O ÓRGANO QUE TEN A TUTELA FINANCIERA O AMPARO DO ARTIGO 7.4º CITADO, QUE SE PROCEDA A TRAMITAR O DISPOSTO NO INFORME DE INTERVENCIÓN DE DATA DE 7 DE FEBREIRO DE 2014, O AMPARO DOS ARTIGOS 27 E 7.4º DA LEI 7/85, DE 2 DE ABRIL, QUE NON SE PUIDO TRAMITAR POLO CURTO ESPAZO DE TEMPO PARA SOLICITAR A SUBVENCIÓN.**

Concluído o anterior, ás vinte e unha horas e trinta minutos, non sendo outro o obxecto da convocatoria, o señor alcalde titular levanta a sesión no lugar e data ao principio indicados, estendéndose a presente acta para constancia, de todo o que, como secretaria, certifico.-

A secretaria,

O alcalde,

Ana Barreiro Gómez

Javier Jorge Castiñeira

(DOCUMENTO ASINADO ELECTRONICAMENTE)